

አልአሚን፡ ሰር-ዘመን እት ፈን  
1ይክፊል



ኬትባይ፡ መሕሙድ ዑብደለ (አቡ-ኩፊሕ)  
መተርጅማይ፡ ዑብደለ መ/ዐሊ (መዐልም)  
ኤረትርዮ ሓዳስ

አልአሚን ዑብደለጠፍ ሰር ዘመን እት ፈን ወጮድ ወቀይ” እብ ልብል ዕንዋን ሰቅፌ መሕሙድ ዑብደለ (አቡ-ኩፊሕ) ምን ጀሪደት ኤረትርዮ አልሐዳሲ፡ እብ ሰበት ሄሪር ፈን ወተይት አልሚን ዑብደለጠፍ ለከትባይ ወ እት ዮም30/10/2018 ብዙሐምፊተች፡ መሳኒንት ወስናት ፈናኔን ወሰብ ሰልጠኛ ሕክመት ለሐድረ ወ እተ መናሰበት፡ እት ሲን መት አስመጪ ከታብድተፎ ዐለ። አልአሚን አካኑ እት ጥወፎ ፈን ትግራይት ዐባይ ምን ገብአት፡ አናመእሊ ከታብእሊ ከምሳል ረከብከ ወ እንዴት ዝተዘከሁ ቀርአክዉ ቅሪአት ምንዩ ሰበት አተሐልፍ ላኪን ምን ዐረቢ እት ትግራይት እንዴተርጅምኮ፡ ዲብእ እብ ትግራይት ለትፊግር ጀሪደት ኤረትርዮ ሓዳስ እግል እቀድመፊቴኮ፡ ከቅሪአት በከታት እት እብል እግል ዮም

እድንዩ እት ወሬሕ አጎስት 2017፡ ዝያድ ሰር- ዘመን እት ክድመት ፈን ገቢል ቀደመዮ። መታክል ወመሳደድ ሐያት ንዩቱ እንዴ ኢሊሓጭር ወእንዴ ኢልትሐለል ታጅ ዐውቴ ትሰርገ። ዎሮት ሐል ምን ዕምሩ ሐቆ አዶረ ህዬ እዴ ማኑ እት ከልዕ ፋሌሕ ሰበት አቴት ብቆት ነድ ሳደፊዮ።

ምስክን እዲ ማኑ ላኪን እት ነፍሱይቱ ልግበእ ወወቀዩ ለገብአ ተእሲር ይአምጸአ እቱ። ምኑ ለኢልትፈንቴ ክፈል ገሮቡ ሌጠ ዐለ። እለ ብቆት ነድ ትሳድፉ እት ሀሌትመ አልአሚን ኢልትዘከረ። እት ዕምር ንኡሽ ሰበት ዐለት። እብ ድግም ሌጣቱ ለልአምረ። ለአምዕል ለእግለ ነደ ጸርሓት ክምሰል ወደ። ዓይለት አልአሚን ክሉ ረአሱ በጸሐ ወእግለ ናደት ዐለት እዲሁ እብ ሸፋግ እብ ሸልቱት ለብለበወ እግሉ። እግልሚ። እተ ወክድ ለሀይ ጥውርት ክድመት ሕክምነ ሰበት ይዐለት ህዬ እግል ትመስክን ቀድረት።

መርሐም ሔልያይ አልአሚን ዐብዱለጢፍ ወድ ክልኤ ሰነት እት እንቱ ምነ እተ ወክድ ለሀይ ድጌ-ብሩር ለዐለት መዲነት ግንደዕ አስክ መዲነት አሰመረ ምስል ዋልዴኑ ገዐዘ። አቡሁ እግል አልአሚን ዐብዱለጢፍ እት እሱብዳልየት አሰመረ በሀለት እትለ አዜ አሮተ ትትበሀል ለሀሌት ሙመርድ (ኔርሰ) ሰበት ዐለ። ዐብዱለጢፍ ዓይለቱ እንዴ ከምከመ አስክ አሰመረ ነስአዮም። ወእተ እግል ሸቃለ ዕያደት ልትሀየብ ለዐለ አብያት እት ደዋዬሕ ዕያደት አሮተ ሰክነው።

ክል ወክድ ሸቅል ሕኩመት ምን አካን እት አካን መትናካሰ ሰበት ቱ። ዓይለት ዐብዱለጢፍመ። ምን ብሩር አስክለ ዐባይ መዲነት አሰመረ እግል ልእተው ቀድረው። እብሊ በክት እሊ አልአሚን እምበል መትወላዱ እት ግንደዕ። እት መዲነት አሰመረ አሌለ ወዐበ። ዕምሩ ሰነት ድራሰት ክምሰል በጸሐ ህዬ። እት መድረሰት ወክልወት እግል ተዕሊም ዲን ወእድንዩ አውሀለ።

መርሐም ሔልያይ አልአሚን ዐብዱለጢፍ እብ ጠቢዐቱ ዕሹር። መትድእላይ። መትሰሕቃይ አምር ወበዐል ፍክር ርሒብ። ምስል አዳም ሑቡር። ምስል ዐቢ ዐቢ። ወምሰል ንኡሽ ንኡሽ። ኩሉ ለልሐሽም ወሕሽመት እበ ኩሉ ለረክብ ዕጹም ወዋቂ ነብረ። እት ዮም እት ህለ እግል ፈጅር ለልሐሰብ። ሰእየት ለኢበትክ ወለኢልትሐለል። እብ ሰነኑ ልግበእ ወምንእሹ ሕሽመት ወፍቲ ረክብ ለዐለ አብ አግማም ፈን ወዕልምቱ ለዐለ።

ዓይለት አልአሚን ሐቆ ዎሮት ሐል እት ደዋዬሕ ዕያደት አሮተ ጸንሐው። ናይ ኖሶም ቤት እግል ልተውቦ ሐዘው። እግለ እት ግንደዕ ዙቡያመ ለዐለው ቤት እንዴ አዝበው። ከእት አሰመረ ቤት ርሐም እግል ልትዛበው ተሐት ወለዐል ቤለው። ወሐር ህዬ ለአቡሁ ሑ አቡሁ ዙቡየ ለዐለ ቤት እት አበሻውል አሰመረ እተ አተው እግል ዶሉ። ለእግል ሰልፍ ዶል እት አሰመረ ለአተው እተ ቤት ሕኩመት ሐቆ መትወላድ ረቅየ ዐብዱለጢፍ ገዐዘው ምነ። እት ሐዲስ ሕምግሌለ አበሻውል አተው። እት ቤት አቡሁ ሑ አቡሁ መርሐም ዐሰማን ጋሽ እተ ሐቆ አተው። ለበዐለ ቤት ዐሰማን ጋሽ ትረሐመ ወዌርሳዩ ዐብዱለጢፍ ገብአ ከእብለ ለእግል እግል ልትዛበው ለሐዙ ለዐለው ቤት ገድም ሐድገው።

አዜመ ውዳይ ካልቅ ዐጃይብቱ። ለምን ግንደዕ አስክ አሰመረ ዐይለቱ እግል ትቅረቡ ወምን ቅሩብ ምራደ እግል ለአትምም እለ ተሐት ወለዐል ልብል ለዐለ ዐብደለጢፍ።

አልአሚን ወድ ሰልጠኛ ሐል እት እንቱ እቡሁ ሞተ። ከእት ከደን ወመላል ተርፈው እምበል ሽቅያይ ወሄይባይ።

እሊ ወቅት እሊ ዓይለት አልአሚን ሞት ዋልዳዩ ለኢጸበረቱ መእከይ እት እንቱ ሳደፈዩ። እብለ አልአሚን ወሐዋቱ ሕንቃቄ ኢኮን ወቅብጥር እት ጸሓይ ሌጠ ፈግረው። ለዐነቅቅ ዐለው ውላድ መርሐም ዐብዱለጢፍ ፍቲ አቡሆም እንዴ ኢለአዳውሮ ምን ሞሰት አቡሆም ተሐረመው። ኤማን ወሰብር እንዴ ወደው ህዩ። እት ሐንቱ እሞም ራዮት እድሪስ እግ'ለ ረቢ ወደዩ ሰብር ደቅበው።

አልአሚን ኢያም ሞት አቡሁ ወድ ሰልጠኛ ሰነት ሌጠ። በዐል ህያብ ይዐለ ወንሰእ። ከእብሊ አሰባብ እሊ፣ ሓለት ምዒሽቶም እት ተሀጎን ጌሰት ወጸር ዓይለት ምን አቡሁ እት እሙ ዶረ። ዐጃይብቱ ውዳይ ረቢ፣ ለእምበል በለዕ ወሰቱ ምሮት ሽቅያይ ለአለበ ዓይለት እት መሰከብ ሕምግሌሌ፣ እሰልፍ ሐ አቡሁ ትረሐመ ወሐርመ አቡሁ ዐረ ከእት ከደን ወመላል ተርፈው።

እላመ ነሲበት እለ እበ ወቅተ ሐልፈት ከዶል ትጨባለው ወዐርቀው ወዶልመ ክምሰል አዳምም ለብሰው ከበልዐው ወሰተው። ወእኪትመ ክምሰል ኢመጸት እብ ወቅተ ሐልፈት። እተ ወቅት ለሀይ ህዩ ድራሰት እት ውላድ ጽጉባም ወሽቃለ ሕኩመት ሌጣተ ሕድድት ለዐለት። ዓይለት አልአሚን ላኪን እብ ሞት ዋልዳዩም እንዴ ኢልደይዮ፣ እግል አልአሚን ክምሰል ክሎም ራክባም ወጽጉባም ፍንጌ መድረሰት ወከልወት አተርተው።

ከእግል ሰልፍ ዶል እግል ዕልም ለትበገሰ እተ ከልወት ሽክ ዐብዱልሐይ ድራር አተ። እት ጆፈር መሰግድ ሕለት አበሻውል ለዐለት ተ። ከልወት ሽክ ዐብዱልሐይ ፈዳብያም ደረሰ ወመጃግረት ዐለው እተ። ፈቅህ ሐዲስ ወሰዮር አንብዩእ ወቅርአን ተአደርስ ሰበት ዐለት። እብ ዋልዴን ረቅበት ወዱ እተ ዐለው። ሽክ ዐብዱልሐይ ሕጃብቱ ለዐለ። ላኪን ለኢልትወጸዕ ምን ገብአቱ ደረሳሁ እት ክሉ እሙር ዲን ምንለዐል ኩሎም ደረሰ ልትረአው ወምን በሐር ዕልም ቀርድዮ ዐለው። አልአሚንም ምሮት ምን እሎም ፈዳብያም ደረሰ ገብአ።

እብሊ አሰባብ እሊ ህዩ፣ ምን ኩሉ ለደዋዬሕ ደረሰ አሰክ ከልወት ሽክ ዐብዱልሐይ ድራር ተለክ ልብሎ ዐለው። ምን ሕለት አበሻውል፣ ምግብ መዲነት አሰመረ፣ ገዘብርሃኑ፣ አክርዮ መጽእወ ዐለው። እትለ ከልወት እለ ህዩ አልአሚን ቁርአን አትመመ ወረደደ። ወእብ ሓዚ ተጅዊድ አዜመ አሰክ ከልወት ሽክ ዐብደለ እት ሐይ አክርዮ ለዐለት ትቀየረ። እትለ ወቅት ለሀይ፣ ወድ ዐሰር ሐቱ ሰነት ዐለ። ምን ገጽ ምሴ እት ከልወት ቁርአን ወምን ገጽ ፈጅር እት መድረሰት መዐሀድ አዲን እት መሰግድ ክለፋእ አልራሽዲን መዐሀድ እብ መንሀጅ ናይ ምስር ደርስ ዐለ። ለመዐሀድ መግኒሁ ወጠዋብቁ ክእነ ክምሰል ዮም ይዐለ።

እተ መሀድ ለአደርሶ ለዐለው ውላድ ሱዳን ወምስር ቶም ለዐለው። ሙዲር ናይለ መሀድ ህዬ እስታዝ መሐመድ ሳልሕ ሱዳኒቱ ለዐለ። አልአሚን እትለ መድረሰት እለ ሐቆ ገሌ ፍሱል ደርሱ። ምስል ገሌ ፈዳብያም ደረሰ አስክ መድረሰት መደበር ትቀየረ። እትለ መድረሰት እለ ህዬ። ምን ሰልሳይ አስክ ሓምሳይ ፈሰል ድራሳቱ አተላለ። መድረሰት መደበር መድረሰት ሕኩመት ምንማተ። ፈዳብያም ሙደርሱን ዐለው እተ። ክምስል ከረ እስታዝ ነጋሽ አድም ወዐብደለ ዐለቅ። እስታዝ ረመዳን ውብዕዳም።

ምን መድረሰት መደበር አዜመ አስክ መድረሰት እስላሚየ አክርየ ተሐወለ። አልአሚን እለ መድረሰት እለ አዜ ሰነድ ትትበህል ለህሌት መድረሰት ጀፈር መቅበረት ሹክ አልአሚን ለህሌት እትለ ካልኣይት መርሐለት እግል ልድረስ እብ ሉቃት ዐረቢ። እንግሊዚ ወአምሐርኛ መጻሕፍ። አዜ ለሰኒ በክት አልአሚን ፈዳብያም ሙደርሱን ጸንሐው። መሓሚ እስማኒል ሓጅ መሕሙድ ወእስታዝ ዐብዱልቃድር ከለፈ ወእስታዝ ሙክታር ፈዳብያም መዐልሚን ናይለ መድረሰት ለዐለው ቶም። ላመ እትለ መድረሰት እለ ደርሶ ለዐለው ደረሰ ምን ክል አካን ቶም ማጽአም ለዐለው። አቅርዶት፣ ባጽዕ፣ ከረን፣ ሰነይ ውብዕድ መዳይን ኤረትርየ። ሰበቡ ህዬ ለእተ ወቅት ለዐለው አንፋር መጅልስ (ፓርላማ) ክሎም ምስል ዓይላቶም እት አሰመረ ሰክኖ ሰበት ዐለው እግል ውላድም መዳርስ ዐረቢ ለአትዎም ዐለው።

ሐቴ ዶል እትለ መድረሰት እለ ደርሶ ለዐለው አስክ ባጽዕ ርሕለት ጀላብ እግል ሊጊሶ ክል ነፈር ከ 5 ብር እግል ለአምጽእ ተሐበረው። እለ ጠለብ እለ እግል ራክባም ቀሊል ሸይ እት ገብእ። እግል ሓግላም ወየታይም ክም ከረ አልአሚን ዐብዱለጠፍ ለኩብደ ጋር ጋብእ ዐለ። ላኪን ምን አዳምዬ እግል እትረፍ አለብዬ እንዴ ቤለ። እግል ህቶም አምጸአወ እንዴ አምጸአ ህቱመ ምስሎም ገበዩ ትማጠ ወአስክ ባጽዕ ሄረረ።

ርሕለት ደረሰ መድረሰት እስላምየ ምን መድረሰቶም እንዴ ትበገሰው ገበይ በጽዕ። እብ ቤት ገርጊስ ግርመት ጠቢዐት እት ለዐፋ ሸግርኒ፣ ዐርብ-ረቡዕ፣ ሰይዲሽ፣ ነፋሲት እብ ዕንታቶም ለዐል አድብር ቢዘን ወለ እብ አሰዕር ሻፍቅ ለዐለ አርድ ወዕጨይ እት ለዐፋ ሄራሮም አስክ እምባትከለ ገብአ። አልአሚንመ አነ እተየ ትወለድኮ አክለ ቤላክ። እንተ እት ግንደዕ ልቡሉ ሰበት ዐለው። እለ ክሉ ልርእዩ ወእብ መኪነት ከይዱ ለዐለ ልብ ብዙሕ ካሪ እግሉ ይዐለ። እምበል ሚዶል ገብእ ለእተ ትወለድኮ ግንደዕ እብጼሕ ሌጠ ዐለት ንዮቱ ወትምኔቱ። እምባትከላት ክምስል ሐልፈው መዲነት ግንዳዕ መርዓት ቀበት ክርፍ እት መስል መርሐበ ትቤ ከትከበተቶም። ክብሪ ሕሊል-ማይ-አትከሞም እንዴ ተዐሮረው ህዬ እት ሕምብረ ግንደዕ በጽሐው።

